

Na osnovu člana 56, 66 i 68. Zakona o organizaciji organa uprave u Federaciji Bosne i Hercegovine («Sl. novine FBiH», br. 35/05) i tačke 9.6.1. Pravilnika o načinu uplate, pripadnosti i raspodjele javnih prihoda u Federaciji BiH («Službene novine FBiH», br: 24/20, 55/20, 63/20, 88/20, 28/21, 56/21, 83/21, 1/22, 34/22, 57/22, 76/22, 93/22, 94/22, 10/23, 37/23 i 81/23), Ministar finansija, d o n o s i:

**INSTRUKCIJU  
O PROCEDURAMA ZA UPLATU PRIHODA  
KOJI NISU OBUHVAĆENI AKTIMA BUDŽETSKIH KORISNIKA UNSKO-SANSKOG  
KANTONA O VRSTAMA VLASTITIH JAVNIH PRIHODA**

Budžetskim korisnicima koji ostvaruju vlastite prihode, sistem trezorskog poslovanja omogućuje automatsko praćenje naplate vlastitih prihoda. U skladu sa članom 9. stav 1. Pravilnika o vrstama vlastitih prihoda u Federaciji Bosne i Hercegovine budžetski korisnici su bili u obavezi donijeti posebne akte o vrstama vlastitih prihoda koje ostvaruju („Službene novine Federacije BiH“, br:104/22), u daljem tekstu Pravilnik.

Vlastiti prihodi se uplaćuju u skladu sa tačkom 9.6.2. Vrste vlastitih javnih prihoda, Pravilnika o načinu uplate, pripadnosti i raspodjele javnih prihoda («Službene novine FBiH», br: 24/20, 55/20, 63/20, 88/20, 28/21, 56/21, 83/21, 1/22, 34/22, 57/22, 76/22, 93/22, 94/22, 10/23, 37/23 i 81/23), u kojoj su propisane vrste vlastitih prihoda.

Na vrste prihoda iz tačke 9.6.2. Pravilnika, uplaćuju se isključivo vlastiti prihodi propisani aktima o vrstama vlastitih javnih prihoda budžetskih korisnika na koje je Vlada USK dala saglasnost. Svaki naplaćen prihod bit će identificiran putem ekonomskog koda, odnosno vrste prihoda koji se uplaćuje i preko organizacionog koda budžetske organizacije koja naplaćuje takvu vrstu prihoda.

Svi ostali prihodi koje budžetski korisnici ostvaruju obavljenjem osnovne djelatnosti na tržištu propisanu zakonom ili drugim propisom o osnivanju za koje je propisima utvrđena visina naknade za usluge koje pružaju fizičkim ili pravnim licima, ubuduće se mogu uplaćivati na vrste prihoda propisane tačkom 9.6.1. Vrste javnih prihoda od pružanja javnih usluga, Pravilnika o načinu uplate, pripadnosti i raspodjele javnih prihoda («Službene novine FBiH», br: 24/20, 55/20, 63/20, 88/20, 28/21, 56/21, 83/21, 1/22, 34/22, 57/22, 76/22, 93/22, 94/22, 10/23, 37/23 i 81/23).

Prihodi iz tačaka 9.6.1. i 9.6.2. uplaćuju se na depozitni račun Unsko-sanskog kantona broj 338-000-2210005877 otvoren kod Unicredit banke d.d. Mostar filijala Bihać.

Da bi ovi prihodi bili alocirani onom budžetskom korisniku, koji je prihod i ostvario, veoma je važno obratiti pažnju na popunjavanje platnog naloga i na isto uputiti uplatioce i banku.

Svaka potrošačka jedinica kao organizacioni dio u sastavu nekog ministarstva, ima u automatiziranom sistemu trezorskog poslovanja, svoj broj (organizacioni kod) koji se sastoji od 8 (osam) numeričkih karaktera (predstavljaju razdjel, glavu i unutar glave potrošačku jedinicu).

Prilikom popunjavanja platnog naloga, moraju biti upisani:

1. 13-to cifreni broj poreskog obveznika, odnosno matični broj ili registarski broj privatnog ili pravnog lica
2. vrsta prihoda, odnosno 6-cifreni kontni broj prihoda koji se uplaćuje
3. 3-cifreni kod općine za koju se uplaćuje
4. porezni period
5. organizacioni kod budžetske organizacije, 7-cifreni kod (u nalogu se peta cifra-jedna nula izostavlja).

U Ministarstvu finansija će se voditi evidencija u Glavnoj knjizi o naplati ovih prihoda po korisnicima budžeta. Vrste javnih prihoda od pružanja javnih usluga će u budžetu biti planirani u

koloni budžetskih sredstava za svakog budžetskog korisnika na izvoru 10, dok će se vrste vlastitih javnih prihoda i dalje planirati u koloni vlastitih prihoda, na izvoru 20.

Ova Instrukcija stupa na snagu danom donošenja, bit će objavljena u Službenom glasniku Unsko-sanskog kantona, a primjenjuje se od 01.01.2024. godine. Stupanjem na snagu ove Instrukcije, prestaje da važi Instrukcija o procedurama za uplatu prihoda koji nisu obuhvaćeni Uredbom o vrsti vlastitih prihoda i načina i rokova raspodjele, broj: 04-14-893-1/17 od 24.01.2017. godine.

Radi lakšeg praćenja navodimo vrste vlastitih javnih prihoda i vrste javnih prihoda od pružanja javnih usluga.


#### 9.6.2. Vrste vlastitih javnih prihoda

1. Vlastiti javni prihodi od iznajmljivanja zemljišta	722641
2. Vlastiti prihodi od iznajmljivanja poslovnih prostora	722642
3. Vlastiti prihodi od iznajmljivanja drugih nepokretnosti	722643
4. Vlastiti prihodi od iznajmljivanja vozila	722644
5. Vlastiti prihodi od iznajmljivanja opreme	722645
6. Vlastiti javni prihodi od prodaje usluga, pristupa i korištenja	722651
7. Vlastiti javni prihodi od realizacije aktivnosti naučno-istraživačkog rada, izrade elaborata, studija, evaluacija, ekvivalencije, ekspertiza i drugih stručnih usluga	722652
8. Vlastiti javni prihodi od realizacije stručno-edukativnih aktivnosti i drugih oblika javnog istupanja (seminari, savjetovanja, okrugli stolovi)	722653
9. Vlastiti javni prihodi od oglašavanja proizvoda i usluga	722654
10. Vlastiti javni prihodi od distribucije i prodaje pisanih, foto i video publikacija i materijala, obrazaca	722655
11. Vlastiti javni prihodi od pružanja usluga cikličnog obrazovanja, škole u prirodi, produženog boravka u školama, školarina, upisnina	722656
12. Vlastiti javni prihodi od prodaje predmeta proizvedenih u radionicama organizovanim radi vršenja obrazovnih, radnookupacionih aktivnosti i praktične nastave, te promotivnog materijala	722657
13. Vlastiti javni prihodi od ostalih aktivnosti	722659

#### 9.6.1. Vrste javnih prihoda od pružanja javnih usluga

1. Prihodi od pružanja usluga fizičkim licima	722611
2. Prihodi od pružanja usluga pravnim licima	722612
3. Prihodi od pružanja usluga drugima	722613
4. Prihodi od naučno-istraživačkog rada	722614
5. Prihodi od prodaje robe osuđenim osobama	722615
6. Prihodi od pružanja usluga drugim nivoima vlasti	722621
7. Prihodi od pružanja usluga drugim nivoima vlasti-za pritivorena lica	722622
8. Prihodi od pružanja usluga drugim nivoima vlasti-refundacije za štampanje matičnih knjiga i ostalih obrazaca	722623

Broj: 04-11-13527-1 /23  
Bihać, 25.12.2023. godine





Na osnovu člana 17. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22 i 25a/22), Vlada Unsko-sanskog kantona na 5. sjednici, održanoj dana 22.12.2023. godine, d o n o s i

## UREDBU

o prestanku važenja Uredbe o vrsti vlastitih prihoda i načina i rokova raspodjele

### Član 1.

Uredba o vrsti vlastitih prihoda i načina i rokova raspodjele („Sužbeni glasnik Unsko-sanskog kantona“, broj: 1/17 i 32/20), prestaje da važi.

### Član 2.

Ova Uredba stupa na snagu danom donošenja, a primjenjivat će se od 01.01.2024. godine i objavit će se u „Službenom glasniku Unsko-sanskog kantona“.

Broj: 03-02-12845-47/2023  
Bihać, 22.12.2023. godine

